



REPUBLIKA E KOSOVËS
REPUBLIKA KOSOVA | REPUBLIC OF KOSOVO
AGJENCIA PËR PARANDALIMIN E KORRUPSIONIT
AGENCIJA ZA SPREČAVANJE KORUPCIJE
AGENCY FOR PREVENTION OF CORRUPTION



REPUBLIKA E KOSOVËS / REPUBLIC OF KOSOVO
AGJENCIA PËR PARANDALIMIN E KORRUPSIONIT
AGENCIJA ZA SPREČAVANJE KORUPCIJE
AGENCY FOR PREVENTION OF CORRUPTION
PRISHTINE

Dok. No. 06/02
Br. Prot. 837/23
Nri. Faq. Br. Str. 03
Data Datum 03-05-2023
Nr. Page

DATE/A:	02.05.2023
REFERENC-Ë:	APK-DPKI-06-723/23
PËR/ZA/TO:	z. Rilind GËRVALLA, Drejtor i Televizionit në Radiotelevizionin e Kosovës
CC:	z. Shkumbin AHMETXHEKAJ, Drejtor i Përgjithshëm i Radiotelevizionit të Kosovës
PËRMES/PREKO/THROUGH:	z. Yll BULESHKAJ, Drejtor i Agjencisë për Parandalimin e Korrupsionit
NGA/OD/FROM:	Esad EJUPI, Drejtor i Departamentit për Parandalimin e Konfliktit të Interesit
TEMA/SUBJEKAT/SUBJECT:	Opinion lidhur me shqyrtimin e gjendjes së mundshme të konfliktit të interesit për zyrtarin z. Rilind Gërvalla



Të nderuar,

Duke vepruar sipas kërkesës së parashtruar nga një palë e jashtme (në vijim: raportues i rastit), me pretendim për shkelje të legjisllacionit në fuqi dhe konflikt të interesit me rastin përzgjedhjes së z. Rilind Gërvalla në pozitën 'Drejtor i Televizionit në RTK', pasi që i njëjti paraprakisht ka qenë anëtar i strukturave të subjektit politik "Lëvizja Vetëvendosje", në tri vitet e fundit, Agjencia për Parandalimin e Korrupsionit, konform kompetencave të saj të përcaktuara me dispozitat e Ligjit nr. 06/L-011 për Parandalimin e Konfliktit të Interesit në Ushtrimin e Funkcionit Publik (në vijim: Ligji për Parandalimin e Konfliktit të Interesit), në cilësinë e autoritetit qendror për mbikëqyrjen dhe zbatimin e dispozitave të këtij ligji, në mbështetje të nenit 5, paragrafi 1, nën-paragrafi 1.1. pika 1.1.1. dhe 1.1.4., të Ligjit Nr.08/L-017 për Agjencinë për Parandalimin e Korrupsionit, si dhe nenit 21, paragrafi 1, nën-paragrafët 1.4, 1.5, 1.7 dhe paragrafi 2, të Ligjit për Parandalimin e Konfliktit të Interesit, nxjerrë këtë:

OPINION

Nuk është gjetur (konstatuar) se përzgjedhja e z. Rilind Gërvalla në pozitën 'Drejtor i Televizionit' në RTK, përbën konflikt të interesit sipas dispozitave të Ligjit për Parandalimin e Konfliktit të Interesit.

A r s y e t i m

Agjencia për Parandalimin e Korrupsionit, ka pranuar një kërkesë me shkrim nga raportuesi i jashtëm (shkresa nr.: DPKI-06-723/23), me pretendime për shkelje të legjisllacionit në fuqi dhe konflikt të interesit me rastin përzgjedhjes së z. Rilind Gërvalla në pozitën 'Drejtor i

Televizionit në RTK', pasi që i njëjti paraprakisht ka qenë anëtar i strukturave të subjektit politik "Lëvizja Vetëvendosje", në tri vitet e fundit. Në kërkesë gjithashtu theksohet se, emërimi i z. Gërvall në pozitën e drejtorit ka ndodhur në kundërshtim me kushtet dhe kriteret e përgjithshme të konkursit, të cilat duhet plotësuar nga kandidati me rastin e aplikimit, si:

- Të mos ketë qenë i zgjedhur apo i emëruar (funksionar publik) gjatë tri (3) viteve të fundit;
- Të mos ketë qenë deputet, ministër, zyrtar i lartë i pushtetit qendror e lokal apo anëtar i forumeve drejtuese të subjekteve politike gjatë tri (3) viteve të fundit;
- Të ketë integritet të lartë profesional dhe moral.

Me qëllim të sqarimit të kësaj situate dhe pretendimeve të ngritura nga raportuesi i rastit, Agjencia për Parandalimin e Korrupsionit ka kontaktuar me z. Gërvalla, me ç' rast e ka njoftuar për fillimin e procedurës së shqyrtimit të konfliktit të interesit si dhe me pretendimet e ngritura nga raportuesi i rastit. I njëjti ka ofruar informacionet e kërkuara dhe gjithashtu ka paraqitur qëndrimet e tij lidhur me pretendimet e ngritura për këtë rast.

Agjencia për Parandalimin e Korrupsionit ka shqyrtuar dhe analizuar kërkesën e raportuesit të rastit përfshirë dokumentacionin e dorëzuar në Agjenci, informatat dhe sqarimet që z. Gërvalla ka paraqitur lidhur me rastin në fjalë, dhe më pas duke u bazuar në dispozitat e Ligjit nr. 08/L-017 për Agjencinë për Parandalimin e Korrupsionit si dhe dispozitat e Ligjit për Parandalimin e Konfliktit të Interesit, Agjencia për Parandalimin e Korrupsionit nxori konstatimin si në dispozitiv të këtij opinioni.

Konstatimi se nuk është gjetur që emërimi i z. Rilind Gërvalla në pozitën 'Drejtor i Televizionit' në RTK, përbën konflikt të interesit, është nxjerrë pas shqyrtimit të informatave dhe dokumentacionit në dispozicion, sqarimeve të dhëna nga zyrtari, dhe duke u bazuar në dispozitat e Ligjit për Parandalimin e Konfliktit të Interesit.

Kjo pasi që, konflikti i interesit është i lidhur ngushtë me vendimmarrjen e zyrtarit (të lartë) në ushtrimin e funksioneve publike, ndërsa në rastin konkret, z. Gërvalla nuk është gjetur të jetë përfshirë në ndonjë vendimmarrje të tillë, pasi që i njëjti në rastin konkret ka qenë vetëm pjesëmarrës në konkurs.

Agjencia për Parandalimin e Korrupsionit, rastin në fjalë e ka trajtuar në pajtim me kompetencat dhe përgjegjësitë që i jep Ligji për Parandalimin e Konfliktit të Interesit dhe Ligji (nr. 08/L-017), për Agjencinë për Parandalimin e Korrupsionit, prandaj nuk i ka trajtuar pretendimet që nuk hynë në sferën e konfliktit të interesit, përkatësisht janë jashtë kompetencave dhe mandatit të Agjencisë për Parandalimin e Korrupsionit.

Ligji nr. 08/L-017, për Agjencinë për Parandalimin e Korrupsionit, me dispozitat vijuese të nenit 5, ka përcaktuar se:

1. Agjencia është përgjegjëse për:

"1.1. Zbatimin e Ligjit për Parandalimin e Konfliktit të Interesit në Ushtrimin e Funksionit Publik, Ligjit për Deklarimin, Prejardhjen dhe Kontrollin e Pasurisë dhe të Dhuratave dhe Ligjit për Mbrojtjen e Sinjalizuesve, që përfshijnë:

- 1.1.1. Mbikëqyrjen dhe parandalimin e rasteve të konfliktit të interesit dhe marrjen e masave të parapara me ligjin e veçantë;
- 1.1.2. Mbikëqyrjen e deklarimit të pasurive siç parashihet me ligj;
- 1.1.3. Mbikëqyrjen e pranimit të dhuratave që lidhen me kryerjen e detyrës zyrtare dhe ndërmarrjen e masave të parapara me ligj;
- 1.1.4. Dhënien e mendimeve lidhur me konfliktin e interesit dhe mbikëqyrjen e dhuratave që lidhen me kryerjen e detyrës zyrtare;
- 1.1.5. Mbikëqyrjen dhe marrjen e masave të nevojshme për mbrojtjen e sinjalizuesve”.

Ndërsa, neni 1 i Ligjit për Parandalimin e Konfliktit të Interesit [Qëllimi], përcakton se:

“Qëllimi i këtij ligji është forcimi i integritetit të sektorit publik dhe garantimi i kryerjes së detyrave publike në mënyrë objektive, të paanshme dhe transparente në shërbim të interesit publik nëpërmjet identifikimit, parandalimit, menaxhimit dhe zgjidhjes së konfliktit të interesave të zyrtarëve”.

Gjithashtu, neni 2 i po të njëjtit ligj [Fushëveprimi], përcakton se:

“Dispozitat e këtij ligji përcaktojnë parimet, rregullat dhe procedurat lidhur me sjelljet e lejuara dhe të ndaluara të zyrtarëve gjatë kryerjes së detyrës publike si dhe masat e parapara për shkeljen e dispozitave të përcaktuara në këtë ligj. Ky ligj rregullon gjithashtu procedurat për detyrimet e raportimit, masat për parandalimin, identifikimin, menaxhimin dhe zgjidhjen e rasteve të konfliktit të interesit publik dhe private të zyrtarit gjatë dhe pas ushtrimit të detyrës publike si dhe detyrat e përgjegjësitë e autoriteteve përgjegjëse”.

Sa i përket parandalimit të konfliktit të interesit nga institucionet publike, me nenin 20 të Ligjit për Parandalimin e Konfliktit të Interesit është përcaktuar se:

“Institucionet në kuadër të akteve të tyre të brendshme, parashohin dhe zbatojnë rregulla të veçanta për parandalimin e konfliktit të interesit, varësisht fushëveprimit të institucionit përkatës.” (Neni 20 paragrafi 3).

Ky opinion i referohet situatës konkrete lidhur me pretendimet për konflikt të interesit dhe nuk trajton çështje tjera jashtë sferës së konfliktit të interesit.

Agjencia ju falënderon për bashkëpunimin.